



## DATGANIAD I'R WASG

### **MAY YOU LIVE IN INTERESTING TIMES: GŴYL TECHNOLEG GREADIGOL, CAERDYDD**

#### **DYDD IAU 22 – DYDD SADWRN 24 HYDREF 2009**

Mae May You Live in Interesting Times yn ŵyl sydd yn cael ei chynnal dros gyfnod o dridiau bob yn ail flwyddyn. Mae hi'n canolbwyntio ar yr agwedd 'do-it-yourself' ac yn cyflwyno rhaglen sydd yn dathlu'r syniadau a'r ffyrdd diweddaraf o ddefnyddio technoleg bob dydd ac arloesi cymdeithasol. Mae'r ŵyl yn seiliedig ar egwyddor o rannu syniadau.

Mae'r rhaglen yn cynnwys amrywiaeth eang o gomisiynau, arddangosfeydd, trafodaethau, gweithdai, dangosiadau a digwyddiadau defnyddwyr. Mae'r uchafbwyntiau'n cynnwys:

Alfred Sirleaf: Analogue Blogger, o Liberia; arddangosfa unigol gyntaf Eddo Stern yn y DG; Ghana Think Tank fydd yn datrys problemau Cymru; sioe gwis unigryw wedi'i gyrru gan ymatebion a chyfraniadau defnyddwyr, gyda chymorth The People Speak; 'unConference' fydd yn archwilio arbrofi technolegol, 'Maker Faire' cyntaf Cymru ac amrywiaeth o gomisiynau newydd gan artistiaid o Gymru.

I gael mwy o wybodaeth cysylltwch â thîm yr Ŵyl ar 029 2132 8082, 07531 486 886☐, e-bostiwrch [admin@mayyouliveininterestingtimes.org.uk](mailto:admin@mayyouliveininterestingtimes.org.uk) neu ewch i we-fan [www.mayyouliveininterestingtimes.org.uk](http://www.mayyouliveininterestingtimes.org.uk) lle cewch weld y rhaglen lawn neu lawr-lwytho Dyddiadur yr Ŵyl ar ffurf PDF trwy glicio ar 'Amserlen'.

Mae May You Live in Interesting Times, Gŵyl Technoleg Greadigol, yn bartneriaeth rhwng bloc: Technoleg Greadigol Cymru a Chapter. Datblygwyd rhaglen Gŵyl 2009 ar y cyd â'r Cyngor Prydeinig, Ffotogallery a Chelfyddydau Rhyngwladol Cymru.

Cafwyd cefnogaeth bellach gan: @Wales, Academi, Cyngor Celfyddydau Cymru, Cyfle, Cardiff & Co, Gŵyl Ddylunio Caerdydd, ELFEN, G39/WARP, iShed, Make Faire, Amgueddfa Genedlaethol Cymru, Theatr Genedlaethol Cymru, Safle, Prifysgol Morgannwg, Prifysgol Cymru, Casnewydd, Rhwydwaith Arloeswyr Cymru, UnLtd a 4iP.

## UCHAFBWYNTIAU'R WYL

### **Alfred Sirleaf, Analogue Blogger: Millennium Walk, cyfredol**

Alfred yw Cyfarwyddwr Daily Talk, ciosg newyddion yng nghanol Liberia, Monrofia yng Ngorllewin Affrica. Mae'n casglu newyddion lleol trwy gyfrwng ei ffôn symudol ac yna'n cyhoeddi'r newyddion diweddaraf i fwy na 10,000 o ddarllenwyr dyddiol. □ Yn ystod yr ŵyl, bydd Alfred yn gweithredu sianel newyddion symudol fydd yn annog aelodau o'r cyhoedd i decstio newyddion lleol a newyddion o'r Wyl ato er mwyn creu porth newyddion bywiog fydd yn cysylltu'r ddinas a'r Wyl.

### **Arddangosfa Eddo Stern: Dydd Iau 22 Hydref, Oriel Chapter, 7-9.30yh a chyfredol**

Mae Eddo yn artist Americanaidd/Israellaidd o bwys ac ar flaen y gad ym maes gwaith arbrol. Mae ei waith yn cynnwys addasiadau o gêmâu fideo, 'machinima' a gosodiadau ac yn archwilio dulliau newydd o gyflwyno naratif a dogfen, technoleg a hanes a chynrychioliad croes-ddiwylliannol ar ffilm, mewn gêmâu cyfrifiadurol ac ar y we. Dyma ei arddangosfa unigol gyntaf yn y DG.

### **Ghana Think Tank: Dydd Iau 22 Hydref, Ffotogallery, Tŷ Turner, 6-8yh a chyfredol**

Mae Ghana Think Tank yn amalgam o nifer o 'think tanks' rhyngwladol a gomisiynwyd i ddatrys problemau Cymru. □□ Mewn cyfres o ddigwyddiadau cymdeithasol chwaraus, caiff ateb ei gynhyrchu mewn un cyd-destun a'i roi ar waith mewn cyd-destun arall, a hwnnw'n aml ar ochr arall y byd. □□ Mae blychau postio ledled Caerdydd a Phenarth, a chyfweliadau gyda phobl ar y stryd, wedi helpu i greu rhestr o broblemau sy'n ymwneud â bywyd bob dydd.

### **'Micro Maker Faire' Cymru: Dydd Gwener 23 a Dydd Sadwrn 24 Hydref, Stiwdio Chapter, 11yb-4yp**

Digwyddiad bywiog i'r rheiny sy'n hoff o DIY! Bydd unigolion a grwpiau'n dod at ei gilydd i ddangos eu dyfeisiau technolegol cartref yn y digwyddiad hwn sydd yn rhyw fath o weithdy technolegol a ffair leol yn un! Bydd 20 o unigolion a sefydliadau'n ymuno â ni i ddatlu dyfeisgarwch, gan gynnwys Solar Powered Spin Painting; The Amazing Rolo; Dorkbot Bristol; Kathy Hinde's Music Box Mapping; dyfeisiau sy'n gwneud Smoothies â phŵer pedalu; gweithdy gwau 'media mittens' a llawer iawn mwy! Byddwch yn barod i gael eich synnu a'ch diddanu ac i fynd adre'n llawn gwybodaeth ac ysbrydoliaeth.

### **The People Speak, Who Wants to Be...?: Dydd Gwener 23 Hydref, Sinema 1 Chapter, 7yh - hwyr**

Sioe gwis lle bydd cyfle gan aelodau'r gynulleidfa i gynnig syniadau, trafod opsiynau (da, gwael neu wallgo'), ac yna bleidleisio mewn proses gomisiynu fydd yn defnyddio holl refeniw'r swyddfa docynnau y noson honno a system bleidleisio ryngweithiol. Wrth ofyn i'r gynulleidfa osod y cwestiynau, darparu'r atebion a phennu'r rheolau, mae Who Wants to Be...? yn gipolwg ar bosibiliadau'r dychymyg cyfun. Peidiwch â cholli'r cyfle i gymryd rhan; ewch i <http://www.chapter.org/17069.html> i archebu'ch sedd.

### **unConference: arbrofi technolegol, y 10 mlynedd nesaf a thu hwnt...: Dydd Gwener 23 Hydref, Gofod Cyntaf Chapter, 9yb-5yp**

Beth yw'r dyfodol i dechnolegau DIY ym meysydd menter a gwaith creadigol? Beth allem NI ei wneud? Pa offer fydd eu hangen arnom a beth sy gennym NI i'w gynnig? Bydd y digwyddiad arloesol hwn yn archwilio'r posibiliadau y mae technolegau DIY yn eu cynnig i artistiaid ac *entrepreneurs* creadigol sy'n gweithio'n groes-ddisgyblaethol a chroes-ddiwylliannol. Yn wahanol i gynhadledd arferol, mae unConference yn dibynnu'n llwyr ar ddeunydd a gynhyrchir gan y defnyddwyr eu hunain. Caiff yr agenda ei bennu gan gyfranwyr ac mae'n gyfle i chi rannu'ch syniadau, eich dyheadau a'ch prosiectau ar gyfer y dyfodol! Nifer cyfyngedig o leoedd fydd ar gael felly archebwch eich lle nawr... <http://www.chapter.org/17071.html>

Mae'r Wyl yn llawn o ddigwyddiadau a gweithgareddau eraill, gan gynnwys Dangosiadau, Clinigau, Gweithdai Datblygiad Proffesiynol, Perfformiadau Byw a Chomisiwn ar Flogio yn y Gymraeg.

Cewch hyd i'r holl fanylion ar ein gwe-fan, sydd wedi'i ddylunio i fod yn hygyrch a syml. Gallwch hefyd lawr-lwytho PDF sy'n cynnwys Map o'r canolfannau perthnasol ac amserlen. Mae'r amserlen hefyd yn nodi a ddylech chi archebu lle o flaen llaw ac a fydd angen talu ai peidio i fynychu digwyddiadau. [www.mayyouliveininterestingtimes.org.uk](http://www.mayyouliveininterestingtimes.org.uk)